



Arubaanse Courant

ANJA 25.

DIAMARS 28 JANUARI 1964

No. 4949

Apuntes Editorial

MOVESERUNAN

MARIA JACK ATROBE DEN SU PROPIO CAS

Diasabra merdia un cas nobo den Mgr. Verrietstraat a worde entrega na un dama contentu emocional esta Senjora Maria Jack. Na luna di september su cas a kima completamente despues di un explosion den cushina causa door di un stoof di kerosine. Awor el a hanja na lugar di esey y na emes un lugar un bunita cas cu hopi kamer y cama y cu tin tur clase di confort.

Aki a worde demostra con seronan por worde movi si hendenan hunto pone nan mes tras di e mes un doel, asina senjor Bob Schlageter, representante di Lago, cual compania a duna tur e materialnan di construccion regalo. "Y en especial no lubida di gradicinos bon senjor pa e cas bunita cu boso a hanja. No na promer lugar e hendenan, pero nos bon Dios, tabata asina bon pa boso". Nos a tende senjora Frederika van der Biest Eman bisa un grupo di e yunan tímido di Jack.

Enberdad esaki ta dos cos, cualnan a bira realidad den e cas bunita y grandi pa un senjora kende su tristeza por a worde reemplasa door di un sonrisa cu kier bisa "ta dushi pero di un banda mi no por compronde esaki completamente". E union cu ta haci forza y e amor cristian pa prohimo, ta cosnan cu ta haci un hende cu a mira esaki di aserca, manera cu a tuma lugar diasabra atardi, para pensa un rato. Bo ta worde sorprendi apa algo bunita cu masha poco ta sosode. Un sentimiento manera na ora di un nacemento, pasco anochi, ora cu dos enamorado despues di anjanan largo tabata parti for di otro mira otro atrobe.

Of ora bo mira un morto cu un sonrisa ariba su cara. Y cue sentimiento ey bo ta puntra bo mes e ora; pakiko algo asina no por tuma lugar mas biaha? Pakiko no ta sosode mas biaha cu organisacionnan di diferente sorto, firmannan comercial grandí y industriannan kendenan nan "petty cash" no ta worde conta den debchi, hunto no ta uni nan mes tras di e bon doel; Yuda hendenan den mester y infeliz?

Loke a worde haci awor cu e cas di senjora Jack ta bunita, pero lastimamente ta algo cu ta sosode masha poco. Pakiko di ri-piente y sin spera tur simpatia a worde concentra ariba senjora Jack y su familia despues di e kiamamento na luna di september anja pasa y pakiko otronan hopi otronan cu tambe mes tanto tin mester di esaki no a hanja un accion asina grandí. Pa nan, ta un pregunta cu nunca lo worde contesta.

Pero mas importante si cu e pregunta aki ta e prueba cu a worde duna cu si unabez tin simpatia, yudanza ta worde duna, hasta si henter un cas nobo tin di worde construí.

Nos ta spera cu esaki lo no ta e unico. Laga nos awor dicidi na e momento aki pa en futuro cada biaha muestra stimacion cristian pa prohimo ora na cualkier ora of lugar, sin distincion di e persona cu ta worde yuda. Y pues laga nos dicidi tambe pa duna nos mihor cooperacion, boluntad y forza pa un asunto cu ta bon y



E Jack di mas chiquito ariba su cama tra nos punto di bista.

Ta bala pena pa haci esaki. E prueba por worde hanja den Mgr. Verrietstraat na San Nicolas.

E Jack di mas chiquito ariba su cama nobo, y grandi (tres luna bieuw.)

Den presencia di representantenan di tur e organisacion cu a yuda pa duna señora Maria Jack y su siete yiunan un cas atrobe, a tuma lugar diasabra atardi e entrega di e cas nobo na un hoben mama feliz. Tur hende tabata hari tur hende tabata orgulloso pa loke a worde haci, tur hende tabata tin simpatia pa e dama

hoben, kende añá pasa ora cu el a bolbe cu un tas yen di comestible cu el acababa di cumpra a hanja e cas caminda e ta ta biba na candela y na yoramento a para mira con el a kima te na sue-la. Awor menos cu seis luna despues - Maria Jack a hanja un bunita cas di piedra, completo cu nevera, stoelnan y diez cama grandi cu ta poni den cuater kamer.

Ds. D.R. Cooper di iglesia angelicano a bendiciona e cas.

Palabra a worde dirigi door di sr. Bob Schlageter di Public Relations Department di Lago kende tabata e orador na number di tur esnan cu a yuda y a musttra otro bez cu un trabao pisa por worde haci facil door di hopi.

Señora A. Walfenzao, presidente di e departamento di damas di sociedad Bolivariana e promer grupo cu a duna e man di yudanza na e momento cu e bomberonan tabata paga candela ainda, e atardi aki e entrega e papelnan di propiedad.

GEZAGHEBBER PA SURNAM

ORANJESTAD, 28 jan. -Diahuebs venidero ta sali cu avion pa Sur-nam un delegacion di autoridadnan di Aruba cu lo bai tene deliberacionan di servicio ayanan. E delegacion menciona ta consisti di Gezaghebber O.S. Henriquez, ministro E. O. Petronia y diputado F.J. Tromp. E bishita aki ta dura algun dia.

FRANCIA TA RESTABLESE RELASIONNAN DIPLOMATICO CU CHINA COMUNISTA

MERCA TA HANJE UN PASO PELIGROSO

PARIS, 28 Jan. Francia y China Comunista a dicidi pa habri relacionnan diplomatico, segun a ser anuncia oficialmente na Paris. Den un comunicado dje ministerio frances di asuntunan exterior a ser anuncia: "Gobierno dje republica frances y gobierno dje republica popular chines a dicidi den un acuerdo conhunto pa drecha e relacionnan diplomatico. En relacion cu esaki a ser conveni pa nombra embahadornan den tres luna di tempu.

Ministerio mericano di asuntunan exterior inmediatamente a reaciona riba e desicion frances pa reconoce China Comunista, el a llama esaki un paso peligroso y a laga sa cu Merca lo keda apoya gobierno di China Nacionalista.

Na Moscu un bosero dje ministerio Ruso di asuntunan exterior a declara cu establecimiento di lasonan diplomatico entre Francia y China ta un paso den direccion di fortificacion di paz mundial.

Na Londen nan no a duna comentario di "Foreign Office". Nan ta di opinion cu e kestion ta un asunto di gobierno frances.

E delegado di China Nacionalista na Paris, Kao Sij Ming, a protesta cerca gobierno frances contra e desicion frances pa cuminsa relacionnan diplomatica cu Peking, segun a ser anuncia di fuente chines. Nan ta kere cu e protesta no ta contene kibramentu di relacionnan diplomatico.

Segun un comunicado di China Nacionalista e desicion Frances ta un hecho no amistoso contra Republica China. Gobierno Frances cu esaki ta perhudica interesnan di mundu liber.

E reconocementu ta anima e comunistanan Chines y lo tin consecuenecianan grave pa segu-

ridad internacional, segun e comunidad, solamente gobierno Frances lo ta responsable pa esey. Gobierno Chines Nacionalista ta rechaza e opinion di dos China y lo no cambia e actitud ey bou di ningun circunstancia.

Un comentario den e corant di gobierno Sovietico "Izvestia"; ta yama e reconocementu di Francia bon bini como un finalisacion, cu lo contribui na reforzamentu di e principio di coexistencia pacifica entre e estadonan cu diferente sistema.

Un periodista prominente a scribi, cu e corantnan di occidente a trata pa crea e impresion, cu no solamente Bonn y Washington ta malcontento cu e paso Frances, pero cu Union Sovietica tambe no ta sintie muchu bon loka Francia a haci. Pero nada ta mas leu di berdad cu e fantasianan aqul.

Circulonan cu ta mantene relacionnan estrecha cu e delegacion Mericano cerca Nacionnan Uni, ta calcula, cu e actitud Frances lo nifica cu e mayoria di e paisnan cu ta vota contra admision di China Comunista aualmente den Nacionnan Uni, lo bira masha chiqui awor.

Gobierno di Alemania Occiden-

tal a declara, cu reconocementu di China door di Francia lo por a worde aplaudi, si e paso Frances y e consecuenecianan cu esey lo por a causa, tabata origina for di un deliberacion dentro di e alianza di occidente.

Un portavoz di e ministerio Ingles di exterior a ninga awe di duna comentario riba e desicion di gobierno Frances. Inglaterra for di aña 1949 tin relacionnan diplomatico cu China popular y e dos gobiernonan tin representantenan na Peking y Londen.

Encuentronan di esgrima serca mariniernan

SAVANETA, 28 Jan. -Diasabra y Diadomingo a tuma lugar den Savaneta kamp e encuentronan tradicional di esgrima cu ta worde organisa door di mariniernan di Savaneta kamp. Ariba floret dr. Hilger (beau geste) a supera e otronan y a bira campeon. Como di dos a termina señor Verhalle (marinier) y di tres señor Schenk (beau geste) E encuentronan di sable a resulta como lo siguiente. Promer señor Verhalle di dos dr. Hilgers y di tres señor Schenk. E premio pa e mhor equipu a bai pa beau geste. Hefe secundant tabata señor De Ligyt.

D. Schachter,
Nassaustraat No. 34

Ainda nos baratillo ta sigui, tambe riba tela nobo Bishita nos grandioso baratillo di inventario, rebaha di prijsnan ta enorme riba telanan nobo cu nos a caba di ricibi. Haci liher, awor bo por cumprá bon tela na prijs barata!

E Cas Di Bo Sonjo na prijsnan practico



cu materialnan di construccion di calidad y na prijs atractiva, esey ta solamente na

PETRONA & CROES

T A H U U R

Un cas den Nassaustraat 117, cu 4 dormitorios, 2 W.C., coneccion pa telefoon y aire-acondicionador

Pa inf: Acudi na Dr. Henriquezstraat 10 Oranjestad.



Representantenan di hopi organisacionnan a presenta e ceremonia di bendicion cual a worde efectua door di ds. Cooper (robez) Ariba e potret nos ta mira señora Frederika van der Biest-Eman, señora Alice de Veer-Henriquez, señor Bob Schlageter y señora Th. Nijdam. Otro presentenan tabata senyor C.A.G. Profet, presidente di sociedad Bolivariana hunto cu su esposa.

C.U. Santa Theresita ta celebra di cuater aniversario

SAN NICOLAS, 28 Jan. - Diarazon venidero, esta majan dia 29 di Januari Credit Union Santa Theresita di San Nicolas lo celebra su di cuater anja di existencia. Cu un programa special di show, canto y musica. Pero pro-

mer cue programa di show lo tin un sacrificio di misa na iglesia Santa Theresita na San Nicolas cu ta cuminsa siet'or di anochi.

Despues di esaki lo tuma lugar den club Santa Cecilia e programa di show pa e miembronan y invitadonan di e Credit Union.

Entre otro lo tin un show di moda, comedia, actuacion di diferente trio y grupo musical.

Resultado tiramento aniversario POVA

BALASHI, 28 Jan. - Diasabra a tardi a tuma lugar na Balashi banda di e ruinan di e lugar caminda oro tabata worde laba antes, tiramentu di pistool na ocasion di e aniversario di Pova, cual durante e simanan cu a pasa y cu ta bini ta worde celebra cu diferente encuentronan deportivo flectanan etc. E tiramentu a tuma lugar den tres di e klas aki. Den klas B a sali promer E. Tielman cu 61 punto; sigui pa T. Hijemering cu 60, E. Cardoze cu 58, C. Hessels cu 58, y den klas C e resultado tabata F. Obispo 50 punto sigui pa A. Da Costa Gomez y S. Sikema cu respectivamente 48 y 41 punto.

Durante y despues di e tiramentu aki a tuma lugar e conocifesta di tiradornan na unda tabatin gran cantidad di cerbez y pia galinja. E premionan pa e ganadonan di e tiramento aki lo worde entrega dia 8 di februari venidero durante un fiesta na Pova.

PANADERONAN DI ARUBA A FORMA BOND

ORANJESTAD, 28 Jan. -Diadomingo a tuma lugar den centro obrero na Kruisweg un reunion di e trahadornan den panaderianan na Aruba. E proposito di e reunion aki tabata pa forma un bond di panaderonan di Aruba, cual bond lo bai busca un convenio di trabao y despues un contract colectivo di trabao pa su miembronan. E nomber di e bond lo ta Sindicato Nacional di panaderonan. Por lo tanto un directiva a worde eligi y ta lo siguiente: presidente Jose -Yarzagaray, secretario Otilio -Croes, tesorero Jan Dirks, y comisarionan ta Adriaan Bergen y Ramon Dijkhoff.

E promer trabao cu e directiva aki lo haci ta, traha ariba nan estatut pa asina cu esaki ta cla mande pa aprobacion serca gobernador y pa hanja reconocimento legal. Segun un declaracion di un di e personanan cu ta traha ariba tereno di Syndicalismo, e panaderianan, esta e donjonan di e lugar aki por forma un cooperativa tambe cu e resultado cu deliberacionan ariba asunto di trabao ta cal mas mihor pa tur dos banda.

Un ehemplo a worde duna cu e agenciannan di companianan di bapor cu ta bishita Aruba, esta

e "scheepsvaartvereniging Aruba" cu ultimamente a cera un contracto colectivo cu union portero Arubano.

Terroristanan ta mata misionero na Congo

LEOPOLDSTAD, 28 Jan. -Ayeranochi terroristanan di Pierre Moelele a ocupa e liga Indofa na oriente di Kitwit (capital di provincia Kwiloe), segun a ser anuncia di fuente bon informa na Leopoldstad. Na MANGOENDOE, entre Kikwit y Inlofa, nan a mata un misionero protestant di Merca.

E predicantenan Mericano fol Kwiloe cu diadomingo a llega Leopoldstad a bisa cu tur puestonan misionero protestant den e territorio di Gogoengo y Idofa a wordu ataca y sende na candela. Partidarionan di Moelele, quende su cantidad ta wordu calcula bira varios mil, tin actualmente un territorio grandi den nan poder. Na Leopoldstad nan ta kere cu Idofa actualmente ta completamente, den man dje rebeldenan. Tambe e lantamentu a expande te na Kwango den sur di Kwiloe.

E potret aki a worde saka poco promer cu e cas nobo di señora Jack a worde habri door di señora A. Walfenzao y tur hende por a mira lo cual a worde traha hunto door di un comunidad. Mas adelante nos ta mira señora Maria Jack cu su yiu di mas chiquito di tres luna den su braza. Banda di dje ta para un di e representantenan di e mariniernan cu a verf e cas cu verf di Lago completamente gratis. Mas patras ds. Metting van Rijn (drechi) den combersacion cu ds. Cooper di iglesia angelicano, cu a bendiciona e cas.

COMITE DI CARNAVAL NA GRAF DI TUSCHI



Candidato di Tivoli eligi Prins Carnaval

San Nicolas, 28 Januari.

Durante di un fiesta bailable cu musica non stop den Netherlands Windward Islands Welfare Association na San Nicolas dia-domingo ultimo e Prins Carnaval di Aruba a worde eligi. Apesar cu tabatin unicamente cuater candidato esta Eugene Lacle di Tivoli, Jani Hoevertsz di organisacion di posterijen na Aruba, Remy Raymann na number di club Surnam y Andresito Bikker como Prins di Conny Francisc Teeners, sin embargotabata masha dificil pa e hurado di cinco persona cu a wordepidifordi den e publico. E candidato di Tivoli Club por fin ta esun cu a worde declara mas loco cu tur.

Mientras cu Pancho ta Sybren Bruin, Pancho Konopi. Durante di e presentacion di e prinsnan a toca Paradera steelband, un di e hopi steelbandnan na Aruba cu a duna nan cooperacion na e festividadnan di Carnaval. E exitoso fiesta di carnaval aki a bolbe muestra cu na San Nicolas nan sabi con ta fiesta carnaval. Pero tur candidato tabata di e mes un opinion cu e competicion tabata na un manera com-

pletamente honesto. Jani Hoevertsz di VAP kende a perde pa un punto a declara "mi a perde pa un punto di diferencia, pero tabata un competicion sportivo.

Entretanto senior Elogio Wever, director di e supermercadonan na Aruba a pone como un dozijn di pasashinan ida y vuelta pa Colombia desponibel pa e comite di carnaval. E cuater candidatonan pa Prins Carnaval cada uno lo hanja dos pasashi, tambe e Reina di Carnaval di Aruba y Miss Aruba 1964. Y e Prins carnaval juvenil y su Pancho, cada uno dos, segun senior Wever a declara na nos esaki lo coste un mil cuater cien florin mas o menos, pero e ta regala esey cu gusto pa un bon carnaval.

Juliana School ta fiesta carnaval dia 7 di februari

ORANJESTAD, 28 jan. E alumnonan di Juliana school lo bai tene un grandioso fiesta di carnaval dia siete di februari den club R.C.A. esaki ta priminti di bira un programa fantastico. E comite di carnaval di Juliana school ta consisti di Reinierse (10 A), C van Bochove (9-A) Steven van Romondt (9A) y S. Davelaar (7C). E comite aki ya a stipula cu e anochi ey e reina di carnaval di e school lo worde eligi, y cu despues di su eleccion lo worde acompaña door di un steelband pa habri asina e fiesta bailable y desfrasa. Turpreferidamente completamente desfrasa. Pa e trahe mas original y bunita lo tin premionan. Durante di e anochi aki e alumnonan lo presenta algun comedia chiquito.



Diasabra a tardi e Comite Central di Carnaval Aruba a pone un krans na graf di difunto señor Eric (Tuschi) Arends, na bida gezaghebber interino di Aruba y un di e iniciativistanan di celebracion grandioso di carnaval na Aruba manera nos conoce awe un dia. Potret grandi: Presidente di C.C.C. ta papia na graf. Potret chiquito: Gezaghebber O.S. Henriquez a pone krans na number di poblacion.

Gezaghebber interino lo entrega poder na Prins Carnaval

ORANJESTAD, 28 jan. - Pa motibu di biaha di gezaghebber O.S. Henriquez pa exterior gezaghebber interino di teritorio insular lo ricibi Prins Carnaval Cabuya Primero (Eugene Lacle) y su Pancho Konopi (Sybren Bruin) Diasabra venidero dia promer di februari pa dos or di atardi den oficina na bestuurskantoor caminda el lo entrega e Prins gobernacion di e isla pa un siman largo.

Cuater bellezta competi pa Miss Aruba

ORANJESTAD, 28 jan. - Te aje- ra atardi cinco tabatin cuater firma cu a inscribi un bellezta cu lo bai competi cu otro pa e titulo di miss Aruba. Esakinan ta miss Viceroy, miss Amstel, miss Heinekens y miss Esso representando respectivamente door di srta-nan Myrna Bislip, Mildred Croes, Luisa Croes y Regina - Croes.

UN
KOPPI
DI
KOFFIE
CU UN
PERCOLATOR
ELECTRICO
ESEY TA
CLA MES ORA.





Eleccion di prins - Juvenil di Carnaval na Tanki Leendert - Diasabra anochi, a resulta den un exito rotundo pa e organisadornan, esta Comité Juvenil di Carnaval Aruba. Entre otro tabatin presentacion di e Reinanan di -

Clubnan Juvenil di - Aruba, ariba e portret nos ta mira di robez pa drechi reinanan di Centro Juvenil Tanki Leendert Juventud Alegre Paradera, Centro Juvenil Commandeursbaai, Sue Thompson Fan Club, Jolly Tee-

ners, Conny Francis Teeners y Radio Antilliana Fan Club cu ta worde representa pa respectivamente, srtanan. - Yolanda Coutinho, - Etwina Diaz, Elsa de Kort, Karin van Opstal, Sita Rojas, Aura Sievinger, y Geni Nicolas.



Pero promer cu esey e hurado consistiendo di Elogio Wever, dr. Hubert Dennert, deputadonan Jossy - Tromp y Dolfi Odu-

ber, tambe Leo Berlinski, Oscar Marugg, E Byington, - cuater miembro di directiva di Central Comité di Carnaval

a conta e botonan di robez pa drechi, Milo Croes, Bob Martin Elio Fingal y Julio Luydens.



Eugene Lacle ta esun cu diadomingo anochi durante un tremendo fiesta di steelband den club di isla ribenjonan na San Nicolas den Pastoor -

Hendrikstraat a worde eligi como Prins Carnaval di Aruba. Aki nos ta mira - Prins Cabuya primero (robez) cu su

pancho konoppti (Sybren Bruin). E dosnan aki tabata candidatonan di Tivoli - Club. Aki prins ta duna e saludo di Carnaval.

GRADICIMENTO

Pa medio di esaki nos ta gradici tur familia, amigo y conocirnan cu a muestra nan atencion durante e rato di enfermedad y na ora di morto di nos inolvidable esposa y mama

PETRA THEIS de BOEKHOUDT
(Q.E.P.D.)

qu a fallece dia 20 di januari 1964.

Na number di su esposo: Cornelio Boekhoudt; huanan: Juan; Ramon; Flora; Coromoto; Nenito; Ponciano y Martha.



Durante di eleccion di Prins Carnaval - Juvenil na Tanki - Leendert a tuma lugar tambe e coronacion di Reina di Carnaval di Centro Ju-

venil Tanki Leendert srta. Jolanda Coutinho. Aki señorita - Coutinho ta worde corona door di sr. E. Byington di Lago.



Di e hopi Prinsnan cu Panchonan cu a competi Diasabra anochi pa e titulo di Prins Carnaval a resulta ganador Prins

Antonito Erasmus, y Panchon Jossy Tromp kendenan akinan ta contando un di nan - "aventuranan" na e publico.



GOLD LABEL

Rum

Rey de Copas

ARUBA DISTILLING COMPANY N.V.

PRODUCT

OF ARUBA

700 cc


80 PROOF



Embotellado por ARUBA DISTILLING CO.
ARUBA N.A.



REY DE COPAS ta pertenece na e mehor momentonan den bo bida. Ademas e ta traha, pa perfeccionistanan den sabor! Cu ijs? Cu soda? Cu limonada? Straight ariba ijs? Selecta esun cu bo kier, y savoria e delicioso RON REY DE COPAS, brindele na bo amiganan y amigonan.



Y corda sigui spaar botternan bashi di e delicioso y sabroso

RON REY DE COPAS, pa participa den nos proximo concurso

cu ta mas sensacional, y mas formidabel, cu yen di sorpresas!



REY DE COPAS
ARUBA DISTILLING COMPANY

Wilhelminastraat 47

Tel. 1266



CARIBE CLUB RECORDANDO 25 ANJA



Como 160 persona, - miembronan y invitadonan di Club Caribe a sinta na mesa Diahuebs siman pasa pa goza di e diner di cumpleaños, un

diner tradicional. E musica durante di diner tabata acargo di e conocido trio Los Aventureros cu a duna un toco alegre na e diner. Di dr. pa ro-

bez nos ta mira - sra. Clemencia Lacle, sr. . Kuiperi y señora, E. de Cuba y sra. Wever cu su esposo James Wever.



Diahuebs despues di e diner anochi 4 persona a worde instala como miembronan di honor. Ta trata di e pareha O.S. Henriquez Gezaghebber y señora, hunto cu sr.

y señora H. Ecury. Ariba e potret nos ta mira srta. Verna Beaujon, Reina - 1963 di Club Caribe ta instalando señora Henriquez como - miembro di honor.



Ariba e potret aki señora Henriquez no ta instalando dominee H. Jacobs pa un of otro, pero unicamente e ta drechan-

do su dashi di pushi, durante un di e fiestanan di Club Caribe na ocasion di e jubileo di plata di e club.

Srta.. Sybilia Ponson kende a caba di worde corona Diahuebs anochi como Reina di Caribe 1964, door di presidente sr. Tico Kuiperi aki ta ricibi e Cacique di Oro, cual ta un regalo di e consulnan - Venezolano, N. Paoli y J. de Lima, cu en futuro lo worde bisti pa tur e reinanan di Club Caribe durante nan anja di "gubernacion". E cacique di oro a worde pega ariba e panja di srta. Ponson door di completamente na robez, vice presidente Ruben Mansur. - Mientras cu nos ta mira di robez pa drechi ta mirando - Tico Kuiperi, Jopi Bratinga y Verna Beaujon.



Diferente regalo a worde duna Diabierna anochi na Tico Kuiperi como repre-

sentante di Club Caribe. Durante un recepcion masha anima diferente persona a

dirigi palabra Diabierna anochi na ocasion di e jubileo di plata di Club Caribe, pero tambe diferente a duna un regalo, manera aki e Consul-General di Venezuela N. Paoli na drechi cu ta entregando un concha di turtuga cu caranan di Caribenan pinta ariba dje na Tico Kuiperi, presidente di Club Caribe.



Fuera cu sr. Tico - Kuiperi a ricibi hopi regalo na nomber di Club Caribe, el a entrega tambe hopi regalo na nomber di su club na ocasion

di e jubileo di plata. Aki maestra di ballet Pola Jorissen ta ricibiendo un boeket di flor for di e presidente di e club.

RIP KIRBY

pa cortesia di:

JAN BODEGOM & CO (ARUBA) N.V.

Agente exclusivo di FRIESCHE VLAG lechl evaporado y lechl en polvo MAXWELL HOUSE KOFFIE.



HOROSCOPO PERSONAL

Pa diamars 28 januari

ARIES 21 maart-20 april

Bo ta sali masha dilanti den bo propio circulo pero bo mester tene cuidao den bo actitud contra bo mayornan. No hasi cos pa nan rabia cu bo.

TAURUS 21 april-21 mei
Sucesonan ta hala atencion riba bo finanzas y cuentanan. Has' algu pa equilibra bo presupuesto si bo tin oportunidad y economica.

GEMINI 22 mei - 21 juni

Bo por keda sorpresa door di e manera cu un persona ta muestra su aprecio pa bo ayudo. Trata amiguanan nervioso cu masha extra consideracion awe.

CANCER 22 juni-23 juli

Ta necesario pa bo paga atencion na bo asuntunan personal. Probablemente bo lo hanja algu cu bo a descuida y cu ta exigi estudio especial.

LEO 24 juli-23 aug.
Tene cuidao ora bo ta confia un otro, tene bo plannan pa bo mes. Otronan lo muestra nan mes antipatico, pospone viahenan mas tantu posibel.

VIRGO 24 aug.-23 sept.

No preocupa bo mes di mas ora bo ta repasa bo finanzas. Ta keda necesario pa tumas sosiego y recupera bo energia.

LIBRA 24 sept-23 okt.
Evita cada situacion cu por conduci pa complicacionnan den bo vida personal. No confia muchu riba promesa of apoyo di otronan.

SCORPIO 24 okt-22 nov.
Un persona por pidi bo ayudo especial awe. Trata pa juda tur hende, pero tene cuidao cu e tension no ta bira muchu grandi pa bo mes.

SAGITTARIUS 23 nov.- 21 dec.

Awe ta un dia perfecto pa bo pa progreso den tur sentido. Cuminsa cu brillo cu e trabao mas difcil. Bo lo hanja apoyo banda di anochi bo lo a progreso hopi.

CAPRICORNIUS 22 dec.-20 jan.

Trata pa pasa un dia trankil den bo propio becindario. Por tin hopi actividad en relacion cu familia y personanan mayor, no bira nervioso.

AQUARIUS 21 jan.-19 febr.

Evita bao di aspectonan actual viahenan innecesario. Ta un dia adecuado pa pasa un dia agradable, sin forza bo mes. Evita discusion y desunion.

PISCES 20 febr.-20 maart

Conta hendenan den bo becindario bo deseo y speranza, nan lo duna hopi apoyo awor. Awe nochi bo por spera un noticia masha agradable.

CISCO KID

pa cortesia di:

ARUBA BOTTLING COMPANY

NESBITTS den varios sabor, e refresconan mas pidi y mas gusta na Aruba.



BUCHI ROBEZ

pa cortesia di:

REFRESQUERIA INGRID

tel: 1849

E mihor adres pa snacks, tur clase di dushi, softdrinks, ice-cream y revistas.



PEPITA

pa cortesia di:

ANTILLIAN HARDWARE CO.

E mihor adres pa VERF, KWASHI, TUR HERMENT, ARTICULOS SANITARIO.



DICK TRACY



ARESTACION DI ESTUDIANTENAN

INSBRUCK, 28 Jan. Ayera polis austriaco a detene na Insbruck cinco miembro di directiva dje organisacion di estudiantenan persa. Segun un miembro dje organisacion a declara e estudiantenan a wordu detene sin ningun rason, probablemente en relacion cu e venidero llegada di Sjah pa asisti ne juegonan invernal na Insbruck.

Un como 50 estudiante, di kende hopi ta contra e actual gobierno na Persia, awe tardi lo protesta dilanti oficina central di polis na Innsbruck contra arestacion dje estudiantenan.